

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona" broj 7/10) i člana 13. stav 2. Zakona o Agenciji za privatizaciju Zeničko-dobojskog kantona ("Službene novine Zeničko-dobojskog kantona" broj: 4/97, 15/97, 6/01 i 8/10), na prijedlog Upravnog odbora Agencije za privatizaciju Zeničko-dobojskog kantona, Vlada Zeničko-dobojskog kantona, na 5. sjednici, održanoj 14.04.2015. godine, d o n o s i

ZAKLJUČAK

I.

Daje se saglasnost na Program rada Agencije za privatizaciju Zeničko-dobojskog kantona za 2015. godinu.

II.

Program iz tačke I. sastavni je dio ovog Zaključka.

III.

Zaključak stupa na snagu danom donošenja.

Broj: 02-_____/15.
Datum, 14.04.2015. godine
Z e n i c a

PREMIJER

Miralem Galijašević

DOSTAVLJENO:

1x Agencija za privatizaciju Zeničko-dobojskog kantona - Upravni odbor,
1x Agencija za privatizaciju Zeničko-dobojskog kantona,
1x a/a.



P R O G R A M R A D A

Agencije za privatizaciju Zeničko-dobojskog kantona
za 2015. godinu

Zenica, mart 2015. godine

SADRŽAJ

I- UVOD	3
II- CILJEVI.....	4
2.1.AKTIVNOSTI KOJE SE PLANIRAJU PODUZETI ZA OSTVARENJE UTVRĐENIH CILJEVA	4
2.2. OČEKIVANI REZULTATI	6
III- NORMATIVNE AKTIVNOSTI	7
IV- STUDIJSKO-ANALITIČKI DIO	6
V- OSTALI POSLOVI I ZADACI	7
VI- PROCJENA FINANSIJSKIH SREDSTAVA	8
PRILOG 1.- TABELE OD 1-5	

I - UVOD

Agencija za privatizaciju Zeničko-dobojskog kantona (u daljem tekstu: **Agencija**) osnovana je Zakonom o Agenciji za privatizaciju Zeničko-dobojskog kantona („Službene novine Zeničko-dobojskog kantona“, br. 4/97, 15/97, 6/01 i 8/10). Shodno odredbama člana 2. navedenog Zakona, Agencija ima status pravnog lica i predstavlja specijaliziranu organizaciju Zeničko-dobojskog kantona.

Djelatnost Agencije je obavljanje stručnih i drugih poslova u vezi s privatizacijom. Temeljem odredaba člana 6. navedenog Zakona, Agencija vrši odobravanje, sprovođenje, organizovanje, nadziranje i podsticanje privatizacije preduzeća sa prostora Zeničko-dobojskog kantona u njenoj nadležnosti.

U vezi sa privatizacijom preduzeća, odredbama stava 2. istog člana, taksativno su nabrojana ovlaštenja Agencije, među kojima, su odobravanje programa privatizacije i početnog bilansa stanja, odlučivanje o načinu i sprovođenju postupka privatizacije, utvrđivanje povoljnijih uslova prodaje i plaćanja za preduzeća koja se ne privatiziraju saglasno načinu i uslovima određenim kod odobravanja programa privatizacije.

Program rada Agencije donosi Upravni odbor Agencije za privatizaciju Zeničko-dobojskog kantona u skladu sa odredbama člana 13. stav 1. alineja 1. Zakona o Agenciji za privatizaciju Zeničko-dobojskog kantona, na koji u skladu sa odredbama stava 2. istog člana Zakona, saglasnost daje Vlada Zeničko-dobojskog kantona.

II - CILJEVI

Agencija je, u zavisnosti od ekonomskih i socijalnih kretanja u društvu, te uočenih trendova u oblasti privatizacijskih poslova, definisala programske ciljeve koje planira izvršiti u toku 2015. godine. Na dan 31.12.2014. godine, Agencija u Registru preduzeća ima 54 privredna subjekta koji se vode kao neprivatizirana preduzeća na prostoru Zeničko-dobojskog kantona (**Prilog 1.**), od kojih:

- 6 veterinarskih stanica, (Tabela broj 1. *Priloga 1.* – Tabele od 1-5)
- 24 javna komunalna preduzeća, (22 JKP, RTV Zenica i RTV Visoko),
- 4 „Ostala preduzeća“, odnosno preduzeća sa većinskim državnim kapitalom, (Tabela broj 2. *Priloga 1.* – Tabele od 1-5)
- 5 preduzeća, čija je prodaja moguća nakon raskida ugovora, (Tabela broj 3. *Priloga 1.* – Tabele od 1-5)
- 15 preduzeća u postupku stečaja; (Tabela broj 4. *Priloga 1.* – Tabele od 1-5)

Na osnovu sagledavanja aktuelne situacije u vezi sa privatizacijom, Programski ciljevi Agencije su:

- 1) Nastavak privatizacije imovine preduzeća, čiji je rok za okončanje 31.12.2015. godine. Ovaj rok je utvrđen Odlukom o izmjenama Odluke o neposrednoj pripremi i provedbi male privatizacije („Službene novine Federacije BiH“, br.78/13), kojom su stvorene pretpostavke za vršenje prodaje imovine preduzeća u slučajevima gdje su se stekli uslovi;
- 2) Privatizacija ostalih preduzeća koja su ostala na listi preduzeća sa državnim kapitalom, imajući u vidu realne mogućnosti, odnosno pretpostavke;
- 3) Učešće u pripremi privatizacije javnih komunalnih preduzeća i veterinarskih stanica;
- 4) Nastavak vođenja sudskih postupaka proisteklih iz poslova privatizacije;
- 5) Okončanje postprivatizacijskog statusa za privatizirana preduzeća koja se u Registru Agencije vode kao aktivni predmeti (Tabela broj 5., *Prilog broj 1.*);
- 6) Kontrola obaveze kupaca iz ugovora zaključenih u 2015. godini;
- 7) Nastavak aktivnosti na dosljednom provođenju Anex-a G Sporazuma o pitanjima sukcesije, u saradnji sa nadležnim državnim institucijama, te iniciranje donošenja uočenog nedostatka zakonske regulative, što je za posljedicu imalo neuspješne sudske sporove koji se tiču naplate finansijskih potraživanja i povrata imovine u pređašnje stanje;
- 8) Objektivno, blagovremeno i potpuno informisanje javnosti o svim aktivnostima Agencije;
- 9) Kompletno arhiviranje dokumentacije po privatizacijskim predmetima;

2.1. Aktivnosti koje se planiraju poduzeti za ostvarenje utvrđenih ciljeva

2.1.1. Planirane aktivnosti

- Saradnja sa resornim ministarstvima i nadležnim općinskim strukturama iz njihove nadležnosti, po pitanju stručnih i drugih poslova u vezi sa privatizacijom, (*nosilac aktivnosti* – Agencija; *rok*: stalni zadatak)
- Ostvarivanje neposrednih kontakata sa nadležnim organima preduzeća, kao i nadležnim općinskim tijelima za imovinsko-pravne poslove, u pogledu pokretanja postupka za upis nekretnina i prava nad nekretninama u vlasništvu preduzeća, u skladu sa odredbama člana 6. stav 2. Uredbe o upisu u javne knjige nekretnina i prava na nekretninama u postupku privatizacije („Službene novine Federacije BiH“, br. 45/99 i 48/00), (*nosilac aktivnosti* – Agencija; *rok*: stalni zadatak)
- Pripreme za donošenje Rješenja o odobravanju Početnog bilansa stanja i Programa privatizacije za tzv. „veliku privatizaciju“, odnosno Prospekta, za tzv. „malu privatizaciju“,

- (*nosilac aktivnosti* – Agencija; rok: stalni zadatak)
- Ažuriranje ranije donesenih Rješenja o odobravanju Početnog bilansa stanja i Programa privatizacije, obnovljenim podacima,
(*nosilac aktivnosti* – Agencija; rok: stalni zadatak)
 - Priprema objave javnih poziva za prodaju državnog kapitala, odnosno imovinu preduzeća,
(*nosilac aktivnosti* – Agencija; rok: stalni zadatak)
 - Nastavak aktivnosti na sudskim postupcima proisteklih iz poslova privatizacije,
(*nosilac aktivnosti* – Agencija; rok: stalni zadatak)
 - Koordiniranje aktivnosti sa Agencijom za privatizaciju u Federaciji BiH u okviru poslova vezanih za pasivni podbilans,
(*nosilac aktivnosti* – Agencija; rok: stalni zadatak)
 - Neposredne i posredne kontrole izvršenja obaveza iz kupoprodajnih ugovora, u skladu sa odredbama Pravilnika o obavljanju kontrole izvršenja obaveza iz kupoprodajnih ugovora u postupku privatizacije u Federaciji BiH („Sl. novine Federacije BiH“, br. 52/09 i 5/11),
(*nosilac aktivnosti* – Agencija; rok: polugodišnji i godišnji)
 - Aktivnosti na anex-iranju osnovnih ugovora, sklapanje ugovora o ustupanju prava i obaveza iz osnovnog ugovora na treća lica, obračun i naplata novčanih kazni zbog neizvršenja obaveza iz ugovora, te pokretanje tužbe za raskid ugovora zbog grubog kršenja ugovornih obaveza,
(*nosilac aktivnosti* – Agencija za privatizaciju; rok: stalni zadatak)
 - Kompletiranje i elektronsko arhiviranje dokumentacione građe Agencije,
(*nosilac aktivnosti* – Agencija; rok: stalni zadatak)
 - Saradnja sa elektronskim i printanim medijima, te primjena Zakona o slobodi pristupa informacijama u Federaciji BiH,
(*nosilac aktivnosti* – Agencija; rok: stalni zadatak)

2.1.2. Ostale aktivnosti

1. Donošenje upravnih akata u vezi sa privatizacijom (rješenja o izboru najpovoljnije ponude, rješenja o odobravanju upisa izvršene privatizacije),
2. Pokretanje postupka upisa nekretnina i prava na nekretninama kojim raspolažu preduzeća,
3. Vođenje evidencije i arhiviranje ugovora o kupoprodaji stanova nad kojima postoji stanarsko pravo, na osnovu Zakona o prodaji stanova na kojima postoji stanarsko pravo („Službene novine Federacije BiH“, br. 27/97 – 36/06),
4. Izvještavanje nadležnih organa u skladu sa člana 19. Pravilnika o obavljanju kontrole izvršenja obaveza iz kupoprodajnih ugovora u postupku privatizacije u Federaciji BiH („Službene novine Federacije BiH“, br. 52/09, 5/11),
5. Polugodišnje i godišnje izvještavanje Agencije za privatizaciju u Federaciji BiH,
6. Izvještavanje organa Agencije (Upravni i Nadzorni odbor) o stepenu izvršenja obaveza iz kupoprodajnih ugovora,
7. Izdavanje uvjerenja o izvršenju obaveza iz kupoprodajnih ugovora,
8. Izdavanje rješenja na osnovu Zakona o slobodi pristupa informacijama u Federaciji BiH.

2.2. Očekivani rezultati

Agencija u 2015. godini, realno očekuje da će, nakon prijave preduzeća, pristupiti objavi javnih poziva za prodaju kapitala ili imovine preduzeća, u skladu sa odredbama Pravilnika o postupku prodaje imovine i dionica ili udjela preduzeća („Službene novine Federacije BiH“, br. 28/05, 53/07 i 76/09) i to:

- 1) ponovna objava javnog poziva za privatizaciju „Veterinarska stanica“ DOO Žepče, a za ostale, ukoliko se steknu uslovi,
- 2) objava javnih poziva za prodaju imovine preduzeća TP „Nova trgovina“ d.d. Žepče, „Velepromet-Maloprodaja“ d.d. Visoko, te „Natron“ dd Maglaj,

- 3) objava javnih poziva za prodaju dionica preduzeća; „RMK“ Promet d.d. Zenica, „Nova trgovina“ d.d. Žepče,
- Za gore navedene predmete, Agencija u 2015. godini, očekuje da Vlada Zeničko-dobojskog kantona, putem resornih ministarstava, odnosno nadzornih odbora, naloži izradu početnih bilansa i programa privatizacije, nakon čega bi donijela odgovarajuće zaključke o prodaji i metodu državnog kapitala, čime bi se stekli uslovi za objavu javnih poziva,
- poseban domen rada Agencije u 2015. godini obuhvataće, nastavak aktivnosti na sudskim postupcima, proisteklim iz poslova privatizacije,
 - u 2015. godini, Agencija će, aktivnosti usmjeriti na kontroli izvršenja ugovorenih obaveza od strane kupaca, u skladu sa odredbama Pravilnika o obavljanju kontrole izvršenja obaveza iz kupoprodajnih ugovora u postupku privatizacije u Federaciji BiH, za ukupno 2 kupoprodajna ugovora, od čega jedan iz tzv. „velike privatizacije“ i jedan iz tzv. „male privatizacije“ (mala preduzeća),
 - u 2015. godini Agencija će aktivnosti usmjeriti i na kontrolu obaveza iz kupoprodajnih ugovora zaključenih u 2015. godini u skladu sa odredbama Pravilnika o obavljanju kontrole izvršenja obaveza iz kupoprodajnih ugovora u postupku privatizacije u Federaciji BiH,
 - Agencija će u 2015. godini, nastaviti aktivnosti u saradnji sa Agencijom za privatizaciju u Federaciji Bosne i Hercegovine usmjerene prema državnim institucijama, na rješavanju problematike pasivnog podbilansa, zbog nepoštivanja Sporazuma o pitanjima sukcesije Anex G u državama sukcesora, kako bi se donošenjem novih propisa omogućila efikasna implementacija standarda utvrđenih u Anex-u G,
 - kompletiranje dokumentacione građe nastale iz osnovne djelatnosti Agencije u Centralni arhiv Agencije, kako bi ista omogućila efikasno provođenje revizije privatizacije državnog kapitala u privrednim društvima iz nadležnosti ove Agencije, iako Zakonom o reviziji privatizacije nije definisana uloga kantonalnih agencija, očekuje se njihovo involviranje u kompletan proces revizije,
 - blagovremeno informisanje svih ciljnih segmenata javnosti putem medija, kao i dosljedna primjena Zakona o slobodi pristupa informacijama u FBiH.

III – NORMATIVNE AKTIVNOSTI

3.1. Finansijski plan Agencije za privatizaciju Zeničko-dobojskog kantona za 2015. godinu

Nosilac izrade: Agencija za privatizaciju Zeničko-dobojskog kantona

Predlagač: Upravni odbor Agencije za privatizaciju ZDK-a

Pravni osnov: sadržan u članu 13. stav 1. alineja 1. tačka d), Zakona o Agenciji za privatizaciju ZDK-a (“Službene novine Zeničko-dobojskog kantona”, br. 4/97, 15/97, 6/01 i 8/10)

Razlozi za donošenje: Radi ostvarivanja djelatnosti Agencije za privatizaciju ZDK-a iz članova 4.-6. Zakona o Agenciji za privatizaciju Zeničko-dobojskog kantona.

Postupak donošenja: Na prijedlog Upravnog odbora Agencije za privatizaciju Zeničko-dobojskog kantona, Vlada Zeničko-dobojskog kantona daje saglasnost na Finansijski plan Agencije za privatizaciju ZDK-a,

Rok: januar 2015. godine

IV – STUDIJSKO-ANALITIČKI DIO

4.1. Program rada Agencije za privatizaciju Zeničko-dobojskog kantona za 2015. godinu

Nosilac izrade: Agencija za privatizaciju Zeničko-dobojskog kantona

Predlagač: Upravni odbor Agencije za privatizaciju Zeničko-dobojskog kantona

Pravni osnov: sadržan u članu 13. stav 1. alineja 1. tačka d), Zakona o Agenciji za privatizaciju ZDK-a ("Službene novine Zeničko-dobojskog kantona", br. 4/97, 15/97, 6/01 i 8/10)

Razlozi za donošenje: izvršenje zakonske obaveze

Postupak donošenja: Na prijedlog Upravnog odbora Agencije za privatizaciju ZDK-a, Vlada Zeničko-dobojskog kantona, daje saglasnost na Program rada Agencije za privatizaciju ZDK-a

Rok: mart 2015. godine

4.2. Izvještaj o radu i poslovanju, toku i rezultatima procesa privatizacije Agencije za privatizaciju Zeničko-dobojskog kantona za 2014. godinu.

Nosilac izrade: Agencija za privatizaciju Zeničko-dobojskog kantona,

Predlagač: Upravni odbor Agencije za privatizaciju Zeničko-dobojskog kantona

Pravni osnov: sadržan u članu 13. stav 1. alineja 2. Zakona o Agenciji za privatizaciju ZDK-a ("Službene novine Zeničko-dobojskog kantona", br. 4/97, 15/97, 6/01 i 8/10)

Razlozi za donošenje: izvršenje zakonske obaveze

Postupak donošenja: Na prijedlog Upravnog odbora Agencije, Vlada ZDK-a razmatra Izvještaj

Rok: mart 2015. godine

4.3. Izvještaj o radu Nadzornog odbora Agencije za privatizaciju Zeničko- dobojskog kantona za 2014. godinu

Nosilac izrade: Nadzorni odbor Agencije za privatizaciju Zeničko-dobojskog kantona

Predlagač: Vlada Zeničko-dobojskog kantona

Pravni osnov: sadržan u članu 14. stav 4. Zakona o Agenciji za privatizaciju ZDK-a ("Službene novine Zeničko-dobojskog kantona", br. 4/97, 15/97, 6/01 i 8/10)

Razlozi za donošenje: Izvršenje zakonske obaveze

Postupak donošenja: Na prijedlog Nadzornog odbora Agencije za privatizaciju Zeničko-dobojskog kantona, Vlada razmatra Izvještaj i upućuje ga u skupštinsku proceduru.

Rok: predmetni izvještaj neće biti dostavljen, jer nije imenovan Nadzorni odbor u 2014. godini

V- OSTALI POSLOVI I ZADACI

5.1. Izvještaj o ostvarenim prihodima i izdacima AP ZDK za period januar-mart 2015.g.

Nosilac izrade: Agencija za privatizaciju ZDK

Predlagač: Agencija za privatizaciju ZDK

Pravni osnov: sadržan u članu 5. alineja 4. Zakona o Agenciji za privatizaciju ZDK („Službene novine Zeničko-dobojskog kantona“, br. 4/97, 15/97, 6/01 i 8/10)

Postupak donošenja: Na prijedlog Agencije za privatizaciju ZDK, Upravni odbor razmatra Izvještaj.

Rok: april 2015. godine

5.2. Izvještaj o izvršenju Finansijskog plana AP ZDK za period januar-juni 2015. godine i obrasci za izradu periodičnog izvještaja

Nosilac izrade: Agencija za privatizaciju ZDK

Predlagač: Agencija za privatizaciju ZDK

Pravni osnov: sadržan u članu 13. stav 1. alineja 2. Zakona o Agenciji za privatizaciju ZDK („Službene novine Zeničko-dobojskog kantona“, br. 4/97, 15/97, 6/01 i 8/10), i član 44. stav 6. Zakona o računovodstvu i reviziji u F BiH („Službene novine F BiH“, br. 83/09)

Postupak donošenja: Na prijedlog Agencije za privatizaciju ZDK, Upravni odbor razmatra Izvještaj
Rok: 31.07. 2015. godine

5.3. Izvještaj o izvršenju Finansijskog plana Agencije za privatizaciju ZDK za period januar-septembar 2015. godine

Nosilac izrade: Agencija za privatizaciju ZDK

Predlagač: Agencija za privatizaciju ZDK

Pravni osnov: sadržan u članu 13. stav 1. alineja 2. Zakona o Agenciji za privatizaciju ZDK („Službene novine Zeničko-dobojskog kantona“, br. 4/97, 15/97, 6/01 i 8/10),

Postupak donošenja: Na prijedlog Agencije za privatizaciju ZDK, Upravni odbor razmatra Izvještaj.

Rok: 30.09.2015. godine

5.4. Izvještaj o izvršenju Finansijskog plana za period januar-decembar 2015. godine i obrasci godišnjeg obračuna

Nosilac izrade: Agencija za privatizaciju ZDK

Predlagač: Agencija za privatizaciju ZDK

Pravni osnov: sadržan u članu 13. stav 1. alineja 2. Zakona o Agenciji za privatizaciju ZDK („Službene novine Zeničko-dobojskog kantona“, br. 4/97, 15/97, 6/01 i 8/10), i član 44. stav 6. Zakona o računovodstvu i reviziji u F BiH („Službene novine F BiH“, br. 83/09)

Postupak donošenja: Na prijedlog Agencije za privatizaciju ZDK, Upravni odbor razmatra Izvještaj.

Rok: 28.02.2016. godine

VI – PROCJENA FINANSIJSKIH SREDSTAVA

Za realizaciju Programa rada Agencije za 2015. godinu i troškove rada Agencije potrebna su finansijska sredstva u ukupnom iznosu od 960.399 KM, koja su planirana u Finansijskom planu Agencije za 2015. godinu.

DIREKTOR

Nurudin Smajlagić, dipl.ecc.

PRILOG 1 – Tabele od 1 – 5

NEPRIVATIZIRANA PREDUZEĆA

Tabela broj 1. Neprivatizirane veterinarske stanice (čl.3. ZPP)

R.br.	Veterinarska stanica	Plan privatizacije u 2014. godini
1.	JP „Veterinarska stanica“ Žepče	planirana ponovna prodaja
2.	JP „Veterinarska stanica“ Olovo	ako se steknu uslovi
3.	JP „Veterinarska stanica“ Maglaj	ako se steknu uslovi
4.	JP „Veterinarska stanica“ Vareš	ako se steknu uslovi
5.	JP „Veterinarska stanica“ Visoko	ako se steknu uslovi
6.	JP „Veterinarska stanica“ Breza	ako se steknu uslovi

Tabela broj 2. Neprivatizirana preduzeća sa većinskim državnim kapitalom

RB	Naziv i općina	Privatizacijski status
1.	„Velepromet-Maloprodaja“ d.d. Visoko	U toku prodaja imovine putem male privatizacije, u skladu sa Odlukom Upravnog odbora APF-a, nakon čega će uslijediti usvajanje PBS-a i PP-a, kao preduslov za prodaju preduzeća u cjelosti. Dana 21.01.2014. godine podnesen prijedlog za pokretanje stečajnog postupka.
2.	„RMK-Promet“ d.d. Zenica	40% kapitala u privatnom vlasništvu, 60% u državnom vlasništvu.
3.	TP „Nova trgovina“ d.d. Žepče	Doneseno je Rješenje o odobravanju PBS, nije utvrđen metod prodaje, čime je omogućeno usklađivanje društva sa Zakonom o privrednim društvima. Agencija je uputila zahtjev za dostavu PBS i PP.
4.	„NATRON“ d.d. Maglaj	67% državnog kapitala, 33% mali dioničari. Problem neriješenih imovinsko-pravnih odnosa na nekretninama u Beogradu, Bratuncu, Čitluku, Derventi i Doboju.

Tabela broj 3. Neprivatizirana preduzeća-raskinut kupoprodajni ugovor

R. br.	Naziv i općina	Privatizacijski status
1.	„DTS-Trgovina BiH“ Zenica	49% kapitala privatizovano javnim upisom dionica. 51% kapitala bilo predmetom privatizacija koja je okončana raskidom ugovora. Preduzeće

		iskazuje gubitak iznad visine kapitala. Za nekretnine koje se vode u knjigama preduzeća u toku je sudski spor.
2.	„ŽGP-Zenica“ dd Zenica	Ugovor o kupoprodaji 67% državnog kapitala je raskinut. Nakon okončanog sudskog postupka u preduzeću je ostalo 29,1514 % državnog kapitala.
3.	„Autotrans“ dd Vareš	Jednostrano raskinut ugovor od strane Agencije za privatizaciju ZDK, a aktom Registra vrijednosnih papira u FBiH, od 19.07.2012. godine, izvršen prijenos vrijednosnih papira- dionica, dana 12.07.2012. godine u vlasništvo Vlade Zeničko-dobojskog kantona. Otvoren stečaj 17.03.2014. godine.
4.	„Gradska pekara“ dd Zavidovići	Jednostrano raskinut ugovor od strane Agencije za privatizaciju ZDK, u toku je postupak utvrđivanja stanja na kapitalu koje je bilo predmet kupoprodaje.
5.	JP „Veterinarska stanica“ Zenica d.o.o.	Dana 04.12.2013. godine, zaključen Ugovor o sporazumnom raskidu Ugovora o kupoprodaji predmeta tendera T-45 (broj:15-03-618/10 od 14.09.2010. godine). Otvoren stečaj dana 31.10.2013. godine.

Tabela broj 4. Neprivatizirana preduzeća-stečajni postupak

R. br.	Naziv i općina	Privatizacijski status
1.	GD „Sretno“ d.d. Breza	49% kapitala privatizovano, 51% kapitala nakon raskida Ugovora ponovo u državnom vlasništvu, pokrenut stečajni postupak, broj: St-18/06.
2.	PD „Polet“ Kakanj	Na javni poziv za prikupljanje ponuda za prodaju državnog kapitala metodom tendera, nije bilo prijava. Pokrenut stečajni postupak, br. St-16/06
3.	ŠIP „Stupčanica“ Olovo	Obustavljen postupak prodaje 51% ukupnog kapitala. Vlada ZDK-a formirala RJ Šumarstvo. Otvoren stečajni postupak, broj: St-7/07
4.	DIP „Zvijezda“ Vareš	40% privatno vlasništvo, 60% državni kapital. Neuspjela prodaja neposrednom pogodbom. Pokrenut stečajni postupak, broj: St-1/05.
5.	„Bistrica“ d.d. Žepče	49% kapitala privatizovano JUD, a privatizacija 51% kapitala metodom neposredne pogodbe, neuspješna. Zaključen stečajni postupak, broj: St-6/06
6.	„Dom štampe“ d.d. Zenica	Nije izdato uvjerenje o izmirenim obavezama, u međuvremenu otvoren stečaj, broj: St-17/06
7.	JKP „Bioštica“ Olovo	Čl. 3. Zakona o privatizaciji preduzeća, pokrenut stečaj, broj: St-13/06
8.	„Trudbenik“ Matuzići	Nije usvojen PBS i PP, okončan stečajni postupak.
9.	D.P. „Pilana“ Kakanj	Pokrenut stečaj St-1/08. Okončan stečaj.

10.	„Stolarija“ d.d. Zenica	33% kapitala privatni, 67% kapitala je državni, koji je bio predmet privatizacije neposrednom pogodbom. U sudskom postupku, raskinut kupoprodajni ugovor. Dana 05.03.2009.g., otvoren stečajni postupak, u predmetu broj: St-16543/09.
11.	„Promet“ d.d. Olovo	40,29% kapitala privatni, 59,71% kapitala je državni, koji je bio predmet privatizacije metodom tendera. U sudskom postupku, raskinut kupoprodajni ugovor, u međuvremenu nad imovinom preduzeća otvoren stečajni postupak u predmetu broj: St-9/08.
12.	„Inpek“ dd Zenica	33% kapitala privatni, 67% kapitala je državni, koji je bio predmet privatizacije metodom tendera. U sudskom postupku, raskinut kupoprodajni ugovor, u međuvremenu nad imovinom preduzeća otvoren stečajni postupak u predmetu br. 22092-9/09.
13.	„Bosnagraf“ dd Visoko	Općinski sud u Zenici je 08.10.2012. godine donio Rješenje o otvaranju stečajnog postupka.
14.	„Mesopromet“ d.o.o. Doboj-Jug	Otvoren stečaj 29.05.2013 .godine.
15.	JKP „USORA“ d.o.o. Sivša	Stečaj otvoren dana 14.07.2010. godine. Stečaj zaključen 14.09.2011. godine.

Tabela broj 5. - Aktivni ugovori na dan 31.12.2014. godine

Aktivni ugovori na dan 31.12.2014. godine		
<i>„velika preduzeća“</i>		
R.B.	br. ugovora	Predmet prodaje
1.	T-32-01	“Velepromet-Zenica “ Zenica
<i>„mala preduzeća“</i>		
2.	NP	J.P. “Veterinarska stanica “ Tešanj d.o.o.